



OPĆINA KAKANJ

*Savjet za privredu i ekonomski razvoj
Općine Kakanj*

MUNICIPALITY OF KAKANJ

Broj : 02/1-3746-1/20

Datum: 20.04.2020. godine

Na osnovu člana 3. Odluke o osnivanju Savjeta za privredu i ekonomski razvoj općine Kakanj, broj: 02/1-3746 od 09.05.2019. godine, sačinjen je

Z A P I S N I K
sa sjednice Savjeta za privredu i ekonomski razvoj
Općine Kakanj održane 20.04.2020.g.

Savjet za privredu i ekonomski razvoj Općine Kakanj održao je sjednicu dana 20.04.2020.g. u prostorijama Općine Kakanj sa početkom u 12 sati. Sjednicom je predsjedavao Općinski načelnik – Aldin Šljivo. Prisutni članovi: Aldin Šljivo, Džihad Berbić, Mirza Zaimović, Muamer Čelebić, Maid Husika, Azra Zaimović-Habibović, Mensur Muftić, Asim Kićo, Admir Čaluk i Dženita Berbić.

Uvodno izlaganje dao je Općinski načelnik. Razlog sazivanja sjednice je aktuelna situacija izazvana pandemijom virusa Covid-19 i refleksijama na privredna kretanja, te mjere i aktivnosti koje je neophodno poduzeti u cilju saniranja ekonomskih posljedica i zaštite privrede.

Općinski načelnik je u kratkim tezama predstavio aktuelni Javni poziv Ministarstva za privredu ZDK-a, aktuelnosti na usvajanju akata iz ove oblasti na nivou Federacije BiH te aktivnosti ostalih relevantnih institucija koje imaju za cilj prevazilaženja nastale situacije.

Prisutni su upoznati s inicijativama obrtnika- neformalne grupe frizera i ugostitelja koje se odnose na zahtjeve za oslobađanje od obaveza po osnovu obaveznih doprinosa, režijskih troškova i općinskih naknada (općinskih taksi i naknade za zakup javnih površina za ljetne bašte).

Nakon toga otvorena je diskusija i svi prisutni su uzeli učešće u istoj. Konstatovano je da objavljeni Javni poziv Ministarstva za privredu ZDK-a, treba biti jednostavniji i manje proceduralan te da nepotrebno finansijski opterećuje potencijalne korisnike (pribavljanje potvrda, uvjerenja i ostale dokumentacije). Takođe, prisutni su saglasni da vlada FBiH nije blagovremeno reagovala s mjerama što je dodatno otežalo aktuelnu situaciju. Članovi su pozvani da upute prijedloge i inicijative koje bi Općina prosljedila nadležnima, za koje su u toku procedure donošenja odluka.

Nakon provedene diskusije zaključeno je sljedeće:

- Općina Kakanj treba bez odlaganja reagovati i početi što je moguće prije sa realizacijom određenih mjera prvenstveno u cilju zaštite manjih obrtnika a i ostalih subjekata čije je poslovanje dovedeno u pitanje zbog aktuelne situacije
- Kriteriji za dobijanje sredstava trebaju biti pojednostavljeni a namjena sredstava široko postavljena kako bi omogućili poslovnim subjektima da ista utroše za plaćanje komunalnih, režijskih i ostalih fiksnih troškova za mjesec za koje je obustavljeno poslovanje
- U svrhu prevazilaženja problema likvidnosti i lakšeg pribavljanja kreditnih sredstava od komercijalnih banaka planirati regresiranje kamata za kredite odobrene u svrhu saniranja posljedica pandemije kao i subvencioniranje troškova obrade kredita
- Uputiti inicijativu donosiocima odluka na nivou FBiH da omogućie rad djelatnostima koje ne ugrožavaju sigurnost građana uz pojačane higijenske i sigurnosne mjere

Sjednica je završena u 13.30 sati.

Zapisnik sačinila:

Dženita Berbić

Dženita Berbić



Predsjedavajući Savjeta:

Aldin Šljivo

02/11-2580/20

Dostavljeno:

10 x članovi Savjeta

1 x a/a